

Von Gallia.

cccviij

seinem schreiben vnd gaben jm den tittel Augusti / das ist / ein mehrer des reichs. Er hatt gar herlich mit öffentlichen spilen begangen dz 1000. jar der statt Rom / das in sein regiment fiel / vnd ließ allerley wilde thier herzü bringē / die zū tödten vnd zum spectackel brauchen. Er richter zū disen triumph von wegen des siegs wider die Persier erlangt / bracht gehn Rom Hellsantē / Elend / Cygerthier / Löwen / Leoparde / Camelopardē / wilde Esel vñ Pferd / vñ sunst onzälige vil seltsame thieren / mit denen er der statt jarzeit wolt begon vnd triumphieren / er gab sie auch nach dem triumphier zū den welt spilen so man in den Circetheusen begieng. Darzū bracht er auch 1000. par fechtmeister / die jr gaudel spil eriben in dem circetheus hauß / vnd sunst vil andere buzen spil / ließ er halten in Pompeius Theatro oder spilhaus / die wäreten drey tag vnd drey nacht / vñ lügte das volck zū on schlaffen. Es waren so vil sacklen vñnd Kerzen angezündt / das sich die nacht dem tag verglich. Die weil aber das volck den herlichen spilen zū gelügte / gieng ein feiur an von den sacklen / vnd verbran Pompeius Theatru / vnd ein ander Theatru nahe darbey / das auff 100. säulen stünd. Diser K. ließ auch sunst vil spil halten / wiewol er ein Christ was. Dañ er ist der erst vnder den Keysern der den namen Christi befant hat. Aber man sagt darbey das er ein böser vnd erüglischer man sey gewesen / vnd hab verdeckt sein laster vnder der gestalt des namē Christi. Er ward zū lert erstlagen von dem kriegsvolck zū Dietrich Bern / als er 5. jar vor was gestanden dem Keyserthumb.



30 Decius bürtig auß Vngerland / vñnd geboren von herlichen ältern / ließ sich in seiner kindheit ansehen / das etwas grosses auß jm werden wolt / dann es wüchsen inn jm die tugenden mit dem alter / also das er dardurch erlāgt grosse würdigkeiten / die er doch nicht wegen bracht mit ergeitigkeit oder mit schencken. Er ward zum ersten erwölt zum Keyserthumb von den kriegern die in Wendisch land lagen / darnach besteriget ihn der Senat zū Rom. Es zwang jm auch der Senat / das er müßt seinen sun der auch Decius hieß zū einem mit keyser oder regierer nehmen. Er lebt fünffzig jar lang / vnd regieret zwey jar lang mit seinem sun. Es kümert sich der Senat nicht wenig vmb seinen todt / vñnd ließ auch vnder seinem namment bauen die Decianer bāder / bey dem berg Luentino. Er was gar ein weidlicher Fürst in allen dingen / außgenommen das er den Christen auffsezigt gewesen ist / vñ jren vil lassen martern. Dises haußfrauw ist gewesen Serennia Salustia / Barbiana / die gebar jm C. Herenniam Valentiam Hostilianum / vnd Herenniam Pruscellam.



31 Gallus Hostilius ist Keyser gesetzt worden vonn der Legion die überig bliß jm Scythischen krieg. Dann es stuhē die überblibnen kriegsknecht zū diesem Gallo als zū einem behalter des übrigen Römischen höres. Er macht mit den Scyten gar ein vñchliche bündnuß / vñnd bracht domit das Römisch reich zum ersten vnder die dienstbarkeit der Scyten. Vnd als onlang darnach Emilianus ward zū Keyser erwölt vñnd der kriegsvolck / ward Gallus erzürnt / vñ wolt die kriegern in todt geben / aber es felt jm / vnd ward sampt seinem sun erdōdt. Do er 47. jar alt was vnd 2. jar regiert hatt. Emilianus aber regiert mit über 3. monat vnd ward auch erdōt.

Bb ij Valeria